



Broj: JN1-01-16-4-30-9/17
Datum: 09.10.2017. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. Stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku, broj: JN1-01-16-4-30-7/17 od 02.10.2017. godine, u postupku javne nabavke avionskih karata – pružanje usluga posredovanja u prodaji avionskih karata, donosi sljedeću:

ODLUKU
o izboru najpovoljnijeg ponuđača
za nabavku avionskih karata-pružanje usluga posredovanja u prodaji avionskih karata

Član 1.

Prihvata se Preporuka Komisije za nabavku, broj: JN1-01-16-4-30-7/17 od 02.10.2017. godine i Okvirni sporazum za nabavku avionskih karata-pružanje usluga posredovanja u prodaji avionskih karata, za potrebe Ministarstva za ljudska prava i izbjeglice BiH, odnosno govor za javnu nabavku dodjeljuje se ponuđaču Centrotrans-Eurolines d.d. Sarajevo, ponuda broj: 1/12393/17 od 13.09.2017. godine, za ponuđenu cijenu sa popustom 33.390,00 KM bez PDV-a, odnosno u ukupnom iznosu sa popustom od 33.966,30 KM sa PDV-om, kao najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a), b) c) i d) ZJN i to u roku od 5 (pet) dana nakon što bude obaviješten od strane ugovornog organa o rezultatima postupka nabavke.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će se poništiti u skladu sa članovima 70., 71. i 72. Zakona o javnim nabavkama.

Član 3.

Okvirni sporazum za nabavku avionskih karata-pružanje usluga posredovanja u prodaji avionskih karata zaključit će se sa izabranim ponuđačem na period od jedne godine od datuma potpisivanja. Ukupna vrijednost okvirnog sporazuma iznosi 33.390,00 KM, bez PDV-a.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke avionskih karata-pružanje usluga posredovanja u prodaji avionskih karata, broj: JN1-01-16-4-30-1/17 od 04.09.2017. godine. Javna nabavka je provedena putem Konkurentskog postupka za javnu nabavku avionskih karata-pružanje usluga posredovanja u prodaji avionskih karata. Procijenjena vrijedost javne nabavke bez PDV-a je: 35.897,45 KM, odnosno 42.000,00 KM sa PDV-om. Obavještenje o nabavci broj: 679-7-2-33-3-26/17 od 06.09.2017. godine, objavljeno je na Portalu javnih nabavki. Komisija za nabavku imenovana je Odlukom broj: 01-16-4-347-1/17, od 07.02.2017. godine.

Komisija za javnu nabavku dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN1-01-16-4-30-6/17 od 02.10.2017. godine, Preporuku o izboru najpovoljnijeg ponuđača broj: JN1-01-16-4-30-7/17 od 02.10.2017. godine i Izvještaj o radu broj JN1-01-16-4-30-8/17 od 02.10.2017. godine, u postupku javne nabavke avionskih karata-pružanje usluga posredovanja u prodaji avionskih karata.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno dvije (2) ponude;
- da je blagovremeno primljeno dvije (2) ponude;
- da nije bilo neblagovremeno primljenih ponuda,
- da je ponuda ponuđača: Centrotrans Eurolines d.d. Sarajevo, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,
- da se ponuda ponuđača Euroline Travel d.o.o. Banja Luka, odbacuje na osnovu člana 50. Zakona o javnim nabavkama „Službeni glasnik BiH“, broj 39/14 iz razloga jer ponuđač Euroline Travel d.o.o. Banja Luka nije dostavio tražene dokaze o ispunjavanju uslova tehničke i profesionalne sposobnosti iz člana 50. Zakona o javnim nabavkama „Službeni glasnik BiH“, broj 39/14.

Ponuđač Euroline Travel d.o.o. Banja Luka

U Tenderskoj dokumentaciji, a vezano za obavezu ponuđača da dostavi Uvjerenje o akreditaciji IATA-važeće, se navodi u TD u sljedećim tačkama citiramo:

- „3.5. U svrhu dokazivanje tehničke i profesionalne sposobnosti, ponuđač treba da ispunjava sljedeće uslove:

b) da posjeduje Uvjerenje o akreditaciji IATA (International Air Transport Association-Međunarodno udruženje avioprijevoznika putničkih agencija za prodaju avio karata);“

- „3.6. U slučaju da se u ponudi ne dostave gore navedeni dokazi (dokumenti) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju“ i

- „4. Uputstvo ponuđačima kako da sačine ponudu

4.1. Sadržaj ponude i način pripreme ponude

.... 0) Uvjerenje o akreditaciji IATA-važeće...“

Ponuđač, Euroline Travel d.o.o. Banja Luka je imao zakonsku mogućnost da traži pojašnjenje ili eventualno da uloži žalbu na tendersku dokumentaciju do roka prije dostavljanja ponuda, a što nije učinio. Ponuđač, Euroline Travel d.o.o. Banja Luka nije dostavio u sklopu ponude Uvjerenje o akreditaciji IATA-važeće i ponuđač je isključen iz daljeg učešća (ocjene i evaluacije) zbog neispunjavanja uslova za kvalifikaciju- tehničke i profesionalne sposobnosti, član 50. Zakona o javnim nabavkama „Službeni glasnik BiH“, broj 39/14.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenog u Objavljenoj nabavci i Tenderskoj dokumentaciji.

	Naziv i sjedište ponuđača	Kriterij -najniža cijena (vrijednost bez PDV-a sa popustom)
1.	Centrotrans Eurolines d.d. Sarajevo	33.390,00 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Dostaviti:

- Ponuđačima,
- Sektor za opšte, pravne i finansijsko-materijalne poslove,
- a/a



MINISTRICA

Semiha Borovac

Semiha Borovac